

Pagina Rumantscha

Objekttyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **75 (2013)**

Heft 1: **Märchen**

PDF erstellt am: **18.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Las trais bellas nanas e lur nanin

LINARD MARTINELLI

I d'eira üna jà ün pövelet da nanins.

Quels staivan sü ot, da quista vart da las set muntognas, in üna vallada da bellezza, chi straglüschiava da sulai, da l'alba al tramunt. Las nanas e'ls nanins ramassaivan tuotta di lur or tant amà. I til manaivan mincha saira in lur cuvels, chi guairdaivan oura sco chasinas da crap. Uschè vaivna fat quai daspö decennis e tschientiners e nu vezzaivan zist sen da müdar alch landervia.

La not splendorivan millieras da stailas al firmamaint, schi nu d'eira be la glüna gronda chi faiva svanir ün pêr – quai chi vaiva eir seis scharm tuot special. Da cler glüna la stà giaivan las nanas a spass cun lur nanins, l'inviern in jouslas tirolras, trattas da müstailas, fond discuorsuns filosofic-politics. Üna jà giaiva per las abiltats mangluossas da las nanas plü giuvnas da chattar, da trattar e la pulir l'or s-chet e tant bramà. O chi's trattaiva da la scoulatscha d'aurora premadüra, ingio cha daspö ün pêr ons... (quist nu dà bler) ... Tschella jà discuttaivna uras davart... (laschain, uschè buna sco l'istorgia da nanins tschel di sül kika nu vegna plü)

Stimada lectura e stimà lectur, charas e chars commembers da la CGL. L'on scuors ha manà per la scoula populara, ed impustüt per quella rumantscha, l'ün o l'oter müdamaint vaira spectacular. Almain sun intant las previsiuns vaira straminablas. Las staintas per ün nouv mez da matematica per tuots han portà früts. Ün dals dis saran eir mantunadas da material pels roms reals in primara avantman. Il di da scolaziun ha gnü ün success chi demuossa, cha la sporta es tscherchada. Quels da tschella vart da las muntognas han miss ad ir infra cuort temp ün mez d'instrucziun

da lingua. Üna decisiun da tuottas trais conferenzas, ün proget cumünaivel chi'd es gnü acceptà sainza cuntervusch, pudess far grond plaschair ils prossems ons.

L'utuon cun sias conferenzas rumantschas ha manà eir pro la CGL ün pêr decisiuns, ün pêr na-decisiuns e tuot quai varà consequenzas. **Che ans pudess dimena manar quist on frais-ch?**

Las conferenzas rumantschas han decis ün proget da sustegn per la scoula rumantscha cumünaivel. Nus spettain ün bel impegn finanziel dal DECA in chosa, forse eir dad otras funtanas. Quai es üna vart. Tschella es, cha nus dovrain per mincha idiom ün pêr magistras ed -ers chi sun pronts da s'ingaschar in chosa. Ingaschamaint voula pel lectorat, eir schi vegn pajà quista jà. Ingaschamaint voula, perquai chi nu darà pajunas enormas. Schi va propcha bain schi survgnina cul proget amo meglder material, teoretic e pratic, per pudair amplifichar e cun quai eir individualisar noss'instrucziun da lingua. Schi va dafatta stupend schi pudaina contribuir, cul material cha nus dain giò, a la variaziun in noss'instrucziun cun material fat pel cliaint in divers roms. Ün center didactic per differents s-chalins e roms füss in ün muond ideal la conseguenza logica. Per finir stessan cuors da perfecziunamaint cumünaivels esser ün böt important da quist proget. Tscherts cuors grammatical-ortografics stuvaran faquint gnir manats separà. Ma cuors da perfecziunamaint sco cha nus tils vain pudü frequentar in settember a Lavin pudessan bain esser cumünaivels? Lapro pudess esser l'inscunter persunal da las personas d'instrucziun rumantschas ün punct central, o brich? I'l 2014 festagescha il Parc Naziunal Svizzer 100 ons e la

magistraglia rumantscha gioda ils prüms dis da scolaziun cumünaivels? Füss bain ün böt?

Nus dovrain a TAI, almain però alch lectors valladers e puters! T'hast fingià annunzchà?

La CGL ha eir decis da vulair clomar insembel üna gruppa da lavur per mezs. Quella dess evaluar las retscherchas fattas e propuoner che mezs chi dessan gnir surlavurats o sviluppats. Implü dessna tscherchar e ramassar fögls da lavur o oter material d'instrucziun chi dà fingià. Quist material dess lura gnir miss a disposiziun. La gruppa pudess sustgnair la supranza e, cun sias bunas colliaziuns, güdar ad amplifichar la sporta da material d'instrucziun.

Nus dovrain a TAI, almain però ün pêr ingaschats puters e valladers! T'hast fingià annunzchada?

Perche n'haja cumanzà culs nanins? Nus in supranza eschan be quatter ed eschan tuots avisats sün vos sustegn. Ils nanins douvran, oramai chi nu sun ils plü gronds, üna pruna bratscha per rablar afin l'istess lavur sco glieud plü gronda.

I füss giavüschabel, scha minchüna chi lavura in üna scoula i'l territori da la CGL füss eir commembra. Scha'ls differents s-chalins e manjamaints sun rappreschantats, pudaina eir servir meglder a minchüna.

Nus dovrain a TAI in supranza. T'hast fingià annunzchada? Cuntaints füssna scha nus füssan almain in tschinch. Plü bod daiva eir amo üna gruppa da lavur chi sustgnaiva il lavur da la supranza!

And last but not least: *Nus dovrain a TAI sco administratur da l'Aviöl. T'hast fingià annunzchà?*